

哈密志卷之十五

輿地志 十三

祠宇

帝君廟正殿三間左右廊房各三間對面有戲樓一

座

粵稽自古迄今天地之所以覆載日月之所以
照臨華嶽之所以鎮峙河海之所以流行者何
莫非宇宙間之正氣凝貫於其中發揚於其外

以垂之悠久而不可哉

帝君生漢末顛顛之際當奸雄蠱起之時獨與

桓侯兄事昭烈皇帝誓以共死同扶漢室此立

心何其正也操拔下邳使張遼說降

帝君表三約以明志及斬顏良於萬眾之中解圍報

操遂封賜辭奔此去就何其正也後鎮荊州討

攻樊城誅龐德降于禁 威震華夏操議徙都

以避此討賊何其正也詎意孫權助逆呂陸舞

智廉傳降賊以致麥城被困千秋同恨萬古流
芳此報國何其正也自後漢至今已千有四百
餘歲矣智愚胥服俎豆常新我

聖朝屢隆 典禮更極尊崇嗚呼

帝君至德至聖實秉乾坤正氣與天地之覆載日月
之照臨華嶽之鎮峙江海之流行並垂於不朽
也格於丁未冬奉檄來茲撫理彝情以來見夫
回彝效順商賈駢臻烽烟永靖士馬咸安熙皞
之風無殊華夏仰見

聖天子之文德武功覃敷異域冥冥中猶賴

帝君默佑耳己酉二月春祀之辰同事僚屬及兵民

等僉議因舊建 廟宇措貲修葺更塑

聖像以隆瞻仰群屬為文以誌之格 謹齊沐而為之

記云

大清雍正七年歲次己酉仲秋赫格等公立

左旁龍王廟一間

右旁土地廟一間乾隆十五年建修

文昌宮於嘉慶八年建修正殿三間左右廂房各三間

牛王廟

馬王廟

火神廟正殿三間左右廊房各三間對面有燈山

樓一座 係三官會設立

火神廟碑記

立廟以祀神也亦以壯觀也何謂祀陳俎設豆
焚香秉燭以告虔也何祀乎

火神蓋火者離之名也離者麗之義也推之造化
人物莫不各有所麗仰而在上有日月焉則成
象於天而麗乎天俯而在下有百穀草木焉則
成形於地而麗乎地至若人倫日用莫不皆然
而均以常明之德麗焉則同心同德各安其所
而天下以文明矣此所以祀之也夫伊吾之有

廟以祀之也由來久矣其重建奈何蓋以

火神者文炳文蔚之極者也而廟基窄狹廟貌虧

舊殊非所以安神也閭商賈咸願各出囊金以

濶大其基崇高其貌奈大殿之左山門以前皆

為官廳兵房所限有意焉而未敢擅動也我

郡伯志好民之好惡民之惡詩所謂民之父

母者此也一聞斯舉遂忻然謂鄉約會首諸人

曰是固宜謀所以濶大而崇高之也雖然官廳

兵房事關營伍非請於

哈密辦事大臣不可斯時

哈密辦事大臣永總攝軍民一視同仁無間

貴賤厥愛唯均因有請而知其事曰是固宜濶

大而崇高之也如此然後敢動重建之舉也爰

是各路募化共得二千四百餘金會首等總理

分任庀材鳩工經營躡曲畫周詳期年餘而

大功落成焉第見規模廣大氣象森嚴前之所

不足者補之昔之所未有者增之其壯觀為何
如乎故曰立廟以祀神也亦以壯觀也爰溯厥
功起自三十五年三月間落成於三十六年六
月中工竣之日首事者屬余為文固辭不得因
即其事之始末以誌之云是為記

大清乾隆三十七年仲呂月上浣穀旦立

萬壽宮於道光十三年建修正殿五間左右朝房各
一間

兵城門樓係

魁星樓三層各一間廂房一大間於嘉慶二十二
年建修

兵城內北

馬王廟

藥王廟

娘娘廟正殿三間左右廂房各二間對面有牌坊
一座

娘娘廟碑記

哈密為伊吾古郡本

朝康熙年間派兵戍守修築新城向無寺廟迨至
雍正八年添建糧城以為儲備軍糈之所乾隆
初年平定準夷軍務告竣時將糧移貯南倉此
城留為防營養馬之廐隨經各營提鎮官兵捐
資於北面城上修建

馬神小廟二十六年改設營制議蓋兵眷房舍又

捐資於正殿兩旁添建 子孫聖母藥王山神

土地祠

大清乾隆四十二年丁酉秋八月己酉日立

東門外

藥王廟正殿三間左右廂房各一間康熙年間舊
於乾隆十九年建修

呂祖樓二層三間一層五間一層左右廂房各三
間於道光二十六年七月十五日建修

火神樓二層各三間於嘉慶二十四年建修

東清真寺於乾隆五年建修正房五間內有

萬壽閣一座

西門外

無量廟於乾隆二十四年建修正殿三間左右廊

房各三間對面有戲樓一座

羅祖廟於乾隆三十八年建修正殿三間左右廂

房各二間

城隍廟大殿三間左右廂房各五間對面戲樓一

座於乾隆四十三年三月創建

城隍廟石碑文曰

尊神姓氏誕期無考是年十一月初三日求

呂祖乩示

尊神姓紀諱孟寧年五十九歲三月初五日酉時

生係陝西西安府同州人

明朝成化初曾任直隸通州知州復經

哈密辦事大臣佛諱德劄致 陝西藩憲富諱

綱在於原籍查考宗派實蹟乃於四十四年三

月初四日

尊神聖誕前一日接到 藩憲覆書內云通飭各

屬據州府稟據蒲城縣稟稱查縣屬白露村有

紀姓一族明時曾有紀諱為美者於正德年間歷

官盧龍衛

尊神諱孟寧者即為美三弟為政之子

尊神高祖諱鐸 曾祖諱文瑞 祖父諱周

祖母高氏 父諱為政 母劉氏載之宗圖石

泐確鑿可考並將

紀氏宗圖墓誌墨刻二張送來以徵誠信特此普

告十方閭郡務各敬謹瞻仰供奉以彰

靈應顯赫 浙日觀哈密廟柱懸掛木牌註錄姓氏

惟恐久而就湮虔誠發願誌錄以垂不朽云爾

觀音地藏菩薩正殿三間左右廂房各五間於嘉

慶十二年建修

孫祖廟於嘉慶十八年建修正房一間

西清真寺於乾隆十九年建修正房三間左廂

房四大間

財神樓二層各三間左廂房一大間於道光二十

五年建修

五涼社於道光二年建修

蔡把什湖屯田處

聖賢廟

距哈密城十里

風神廟

距哈密城十里

蔡湖東台

聖賢廟

距哈密城十三里

娘娘廟

距哈密城十三里

烟洞關

龍王廟

距哈密城二十五里

天山頂

聖賢廟 距哈密城一百六十五里

天山北

石佛寺 距哈密城一百九十里

塔爾納沁城廟兒溝山上

聖賢廟 距哈密城二百六十里

大佛寺 距哈密城二百一十里

觀音山菩薩廟 距哈密城二百四十里

沁城東

聖賢廟 距哈密城二百四十里

財神廟 距哈密城二百四十里

娘娘廟 距哈密城二百五十里

沁城內

老君廟 距哈密城二百四十里

黃蘆崗

聖賢廟 距哈密城七十里

娘娘廟 距哈密城七十里

長流水

聖賢廟 距哈密城一百四十里

龍王廟 距哈密城一百四十里

烟墩

聖賢廟 距哈密城二百一十里

苦水

聖賢廟 距哈密城三百五十里

沙泉子

聖賢廟 距哈密城四百三十里

星星峽山坡

聖賢廟 距哈密城五百三十里

山頂上

觀音廟 距哈密城五百五十里

頭堡

聖賢廟 距哈密城八十里

二堡

聖賢廟 距哈密城一百里

三堡

聖賢廟 距哈密城一百四十里

沙棗泉

聖賢廟 距哈密城一百九十里

清真寺

瞭墩

聖賢廟 距哈密城二百九十里